

咸豐九年五月十六日

奏

109



奏為恭謝

天恩事本月十四日內閣奉

上諭國史館臣工列傳覆加編纂查改畫一現在全
書一律完竣所有在館各員自應分別獎敘前充
總纂官安徽巡撫翁同書著交部從優議敘等因

欽此竊臣濫司寶笈謬掌蘭臺愧無燕翼之詒
豈有鳳毛之譽臣子同書學疲十駕才乏三長
夙懷鉛槧於詞林曾效編摩於史館十年橐筆
旋繙牙帳韜鈴七載論兵久謝玉堂鈴索茲值
新編之成帙兼臚舊史以分程迺蒙

聖主俯念微勞

渥加優敘荷

殊恩之溥被益循分而難安臣惟有矢志靖共貽書

敦勛所願投戈講藝文武各獻其丹忱還期酌

水勵清父子無慚於青史再營因病蒙

恩賞假一月現在服藥靜養仍急切未能就痊合併

聲明所有感激下忱理合繕摺先行恭謝

天恩伏乞

皇上聖鑒謹

奏

咸豐九年五月

十六

日



